

LJSPFF LATINA PRO NELATINÁŘE – HODINA XI.
ČETBA

T. Macci Plauti AVLVLARIA

ARGUMENTUM I

Senex avarus vix sibi credens Euclio
domi suae defossam multis cum opibus
aulam invenit, rursumque penitus conditam
exanguis amens servat.

Eius filiam
Lyconides vitiatat.

Interea senex
Megadorus a sorore suasus ducere
uxorem avari gnatam deposcit sibi.

Durus senex vix promittit, atque aulae timens
domo sublatam variis abstrudit locis.

Insidias servus facit huius Lyconidis,
qui virginem vitiatat; atque ipse obsecrat
avunculum Megadorum sibimet cedere
uxorem amanti.

Per dolum mox Euclio
cum perdidisset aulam, insperato invenit
laetusque natam conlocat Lyconidi.

ARGUMENTUM II

Aulam repertam auri plenam Euclio
Vi summa servat, miseris adfectus modis.
Lyconides istius vitiat filiam.
Vult hanc Megadorus indotatam ducere,
Lubensque ut faciat, dat coquos cum obsonio.
Auro formidat Euclio, abstrudit foris.
Re omni inspecta compressoris servulus
Id surpit. Illic Euclioni rem refert.
Ab eo donatur auro, uxore et filio.